

子

部

國相人

報師
報者



古今逸史

明新安吳瑄輯逸志合者十三種方言釋名白虎通廣雅風俗通小爾雅獨斷刊誤古今注中華古今注博物志續博物志拾遺記分者十四種山海經十洲記吳地記岳陽風土紀洛陽名園記桂海虞衡志北邊備對真臘風土記三輔黃圖雍錄洛陽伽藍記教坊記樂府雜錄九經補韻逸記紀十二種三墳穆天子傳竹書紀年汲冢周書西京雜記別國洞冥漢武故事趙后外傳海山記迷樓記開河記六朝事迹世家五種晉乘楚檮杌越絕吳越春秋華陽國志列傳十一種高士傳列仙傳劍俠傳神僧傳本事詩續齊諧記博異記集異記遼志

金志松漢記聞

凡例曰正史止存二十一家而謝承王隱諸書毋論其亡矣他若近世所刻如燃犀揮麈虞初夸堅以至瑣言膚說小史戲史之類或怪或誣或褻或陋不重關於記事且無裨于摛辭史之不良何逸之有是編所集其人則一時鉅公其文則千載鴻筆入正史則可補其缺出正史則可拾其遺名之曰古今逸史其義則予竊取之矣。一文中子有云史之失自遷固始也紀繁而志寡此雖苛責二氏亦一時名言其後鄭夾漈有通志畧之編遂成正史大典昭代以藏之中秘成均蓋重之也故是編所集遇誌則不欲遺遇記則不敢濫非但以遵二

子之緒論抑以願為二氏忠臣云。一正史惟馬班為良餘皆祖是故是編立例特取則焉但上下古今無復可表而以志易書則班氏較確故裁而從之。一是編作者非一逸志中有合而志之者如班應二通之類統天地名物而括之也有分而志之者如風土如伽藍即地理宮室老釋藝文諸志之類也故有合志分志之別庶使觀者不至相淆耳。一逸記中稱紀者記諸帝王妃后論其世也稱世家者記諸侯王將相論其國也稱列傳者記諸賢豪以逮方技論其人也蓋獨遵太史之例班氏以下勿論矣。一是編志與記固有別矣合志與分志紀與世家列傳又各有別矣乃其中有不盡然

者如三輔黃圖大都萬乘之蹟。嶽陽風土自是千里之規。班揚匡董西京之紀。豈盡帝王華陽士女蜀之世家。似兼人物玉輦銛錡。伽藍多記元魏之爭。鴻城鷄陂。越絕亦書地理之志。其他蠹駭殆不止此。是皆不能免觀者之疑。緣作者非出一時。其書非出一手。不無彼此相兼。前後稌出。今統而集之。彙而分之。故得其大同。畧其小異。亦惟俟博物君子之善覽耳。一正史自太史公而下。作者遞降。大槩南北史以還。便當別論。故今所集一準諸此六朝以上。不厭其多。六朝以下。更嚴其選。蓋不專論紀事實重資擣辭也。一是篇俱存作者之舊。然間有裁削。如風俗通損其數卷。緣仲遠紀事闌出闌

與無大關係。不存可也。一王司寇有言。正史之外。有以偏方為記者。如劉知幾所稱地理。當以常璩華陽國志為第一。散文小傳。如孔髯。雖近誣。亦是其行中第一。今皆以付梓矣。至一言一事為記。若世說新語。膾炙古今。廣有善本。久行海內。故不入此。他如盛弘之周楚之王粲。崔鴻周稱。陳壽虞預羅含。闕駟。未贛諸作者。是皆逸史之鴻筆。將亟購而集之。非敢後也。

歷代小史一百五卷

明侍御李棧集一卷路史二卷拾遺記三卷西京記四

卷漢武故事五卷世說新語六卷山海記七卷開河記

八卷迷樓記九卷隋遺記十卷隋唐嘉話十一卷唐語

林十二卷翰林志十三卷松窓雜錄十四卷柳州記閩

十五卷朝野僉載十六卷卓異記十七卷開天傳信記

十八卷開元天寶遺事十九卷江行雜錄二十卷中朝

故事二十一卷龍城錄二十二卷避暑漫抄二十三卷

幽閒鼓吹二十四卷北夢瑣言二十五卷杜陽雜編二

十六卷集異記二十七卷鄴侯外傳二十八卷楚新語

二十九卷江南別錄三十卷默記三十一卷蜀檣杌三

十二卷貽謀錄三十三卷孫公談圃三十四卷聞見雜
錄三十五卷行營雜錄三十六卷鐵圍叢談三十七卷
高齋漫錄三十八卷談淵三十九卷春明退朝錄四十
卷玉堂雜記四十一卷錢氏私志四十二卷桐陰舊話
四十三卷揮麈錄四十四卷王氏揮麈錄四十五卷晉公談
錄四十六卷王文正筆錄四十七卷貴耳集四十八卷
古杭集記四十九卷國老談苑五十卷清夜錄五十一
卷宣政雜錄五十二卷艮嶽錄五十三卷閒燕常談五
十四卷退齋筆錄五十五卷避戎嘉話五十六卷朝野
僉言五十七卷朝野遺記五十八卷白獺髓五十九卷
齊東野語六十卷程史六十一卷遼志六十二卷金志

六十三卷松漠紀聞六十四卷北轅錄六十五卷蒙韃
備錄六十六卷北邊備對六十七卷西使記六十八卷
自警編六十九卷厚德錄七十卷韓忠獻遺事七十一
卷王文正遺事七十二卷寇萊公遺事七十三卷南村
輟耕錄七十四卷遂昌宋樵雜錄七十五卷東園友聞
七十六卷廣客談七十七卷稗史集傳七十八卷剪勝
野聞七十九卷野記八十卷平夏錄八十一卷清溪暇
筆八十二卷瑯琊漫抄八十三卷病逸漫記八十四卷
震澤紀聞八十五卷皇明紀畧八十六卷北征先後錄
八十七卷北征記八十八卷西征石城記八十九卷興
復哈密記九十卷復辟錄九十一卷可齋雜記九十二

卷否泰錄九十三卷瑣綴錄九十四卷古穰雜錄九十
五卷兩朝塵談錄九十六卷復齋日記九十七卷繼世
紀聞九十八卷江海殲渠記九十九卷損齋備忘錄一
百卷靖難功臣錄一百一卷備遺錄一百二卷星槎勝
覽一百三卷真蠟風土記一百四卷炎徼紀聞一百五
卷滇載記

沔陽陳文燭序曰中丞趙公刻歷代野史待御李公所
集也世自洪荒以逮昭代正史赫赫矣茲編百有餘家
讀之疊疊而不厭假令出諸一人之手上下數千載間
不尤快乎然首白可期汗青無日昔人已痛之矣仲尼
志在春秋而幸史之闕文也豈非載筆之難與夫珍裘

以衆腋成溫也大厦以群材合構也邱明立傳廣包諸
國所稱周志晉乘鄭書楚杌聚而會之混成一錄子長
作記尤採群書所引世本國語戰國策楚漢春秋皆當
時雅言事無邪辟即兩家號良史何嘗專憑魯國方策
之遺止紬石室金匱之藏而不謀諸野哉後若南董之
直書不辟強禦韋雀之奮筆無所阿容庶幾哉左馬矣
間有論一政而胡越相懸叙一時而參商是隔者彼陳
壽志三國索米千斛賈緯修晉書誣銀八百鎊皆正史
也其曲如此其實往往見于他錄故虞初稗官之談山
林藪澤之論淑以昭勸慝以示警有足多焉况諸家之
表表乎學者坐披囊篋而神交者遠不出戶庭而窮覽

者富矣。二公嘉惠之功。其在千百世之上。千百世之下。乎。唐劉子玄作史通。言文章興廢。特命所關。乃諸家之。遇二公竒邁矣。又言後之為野史者。虛加練飾。輕事雕。彩體或兼乎賦頌。詞有類于俳優。譬烏孫造室。雜漢儀耳。敢謂茲編之盡無哉。此讀史者所當知也。

栻自序曰。古者列國各有史官。掌記時事。言則左史書之。動則右史書之。何如其專且慎也。矧一統之世乎。逮漢。此意猶存。故司馬談。司馬遷。班彪。班固。世為史官。其所紀載。率得諸聞見之真。而不罔是非之實。自漢而後。此意遂微。至唐太宗欲自觀史。其後遂有欲書而不得書。欲書而不敢書。如歐陽之所論者。於是此意益微矣。

於戲。不有野史。孰從而補其闕。救其失乎。予少有書癖。性好讀史。於野史尤多泛覽。蓋以正史出衆人之手。而野史由一人記著之實。正史合累朝之事。而野史據一時見聞之真。且作之於野。固無所謂欲書而不得書。欲書而不敢書者。雖未必盡出於公。然其出於公者。蓋十之七八矣。矧天下有道。公論在朝。而亦在野。天下無道。公論在野。而不在朝。則失之在朝。不有得之在野者乎。予所睹記。自路史而下。凡一百餘家。其所載多正史之所未多。亦有與正史相發明相救正者。雖間有涉於奇詭委瑣。亦足以廣所未聞。讀之可喜可愕。誠世代之所不可無也。至若世說新語。唐語林。自警編。雖非為史而

作然一代之人才。品分類列。皆本尚論之公。而非一隅之見。矧異聞逸事。往往而存。當時之風氣習尚。亦因以見焉。其有補於正史不少也。爰自洪荒以逮熙朝。次而編之。名曰歷代小史。以爲正史之副。而備讀史者之闕。傳曰禮失求而之野。然則史之失者。舍是編其將安所求乎。敬書此以爲之序。萬曆癸未。

哲匠金桴五卷

明成都楊慎用脩著。西蜀秦谷朱茹序曰。吾鄉用脩楊子。芳漱百代。藝絕庠髦。蓋自登高等時。以閎閱故。獲睹芸閣所藏祕書。卽傑然暮古相如子雲之爲文。旣坐滇南。尋寓吾郡。彼以其餘力。晚年益肆意於閎博。有每有揮賦。士人輒競相傳寫。諸所著述。不彀於此。今手錄哲匠金桴者。特沙界中之一漚爾。余里居。嘗取而縱觀之。則其辭林抉豔。筆海蒐奇。上溯邱索緯書。下及釋老小說。凡可入韻語者。靡不羅括殆半。視先是陽秋府玉等集。何殊僕隸誠汎詩濤者之仙槎也。顧中韻多牙參趺疊。余不度揭厲。僭爲訂正如此。臯胡可逭也。然而披金

探珠者見之。當又爽然易瞻睹矣。隆慶二載戊辰冬十一月至日。

日記故事

明建安虞韶纂葉盛水東日記曰。故事書坊印本行世頗多。而善本甚鮮。惟建安虞韶日記故事。以爲一主楊文公朱晦庵先生之遺意。穎考叔輟羹遺母。不失純孝。未免昭君之過。鬻拳強諫以兵。可謂愛君。難逃陵上之非。王覽愛兄諫母。則陷於不慈。鄧攸存姪棄兒。則傷於少恩。凡矯枉害正之事。一切不取。又如楚王戊之醴酒。忘設邊孝先之晝眠。見嘲翟公之貴賤。見交情。丁公之謁見受戮辱。事雖反正。亦足爲來者之戒。各存本類之。後近歲襄城李公重刊此書。又爲易生知爲幼悟。且標目。却去對偶。一以年代爲先後。亦善矣。惜乎去取標目。

皆尚有未精純處。且不著事出某書某文。其間刪削亦不一。如內助得賢。稱伊川兄弟。而戒無謾語。却又稱先公等類。可知也。大抵此書與沈易五倫詩同。雖較之他選。可謂彼善於此。而欲謂之當而備。則未也。

竇子紀聞類編四卷

明秀水竇文照子明彙編。同邑姚弘謨繼文序曰。學不貴博乎。多識蓄德。易有明訓。童而習之矣。學貴博乎。翫物喪志。明道先生之誚。讓上蔡者。又何嚴也。要之易之識也。蓄也。言博而約在其中。而謝之舉。史不遺一字。直馳騫博洽。以駭庸俗耳。後學察此。庶幾不迷所往哉。吾郡光祿竇季泉君。早及大宗伯平泉陸公之門。稱高第弟子。從事身心性命之學。多所自得。顧於三餘。手錄古今嘉言善行。都爲若干卷。題曰紀聞藏之篋笥。動必與俱。曰吾良師益友。開卷而在。胡可離也。同志借錄傳誦。幾失原帙。遂謀入梓。而乞予一言。且曰願識不佞所學。

於師者尚在筆墨畦迥外也。不然世有知言安知不以程先生之誚讓謝子者譏不佞哉。予以光祿君素敦孝友聲重臺司方奔走仕途念古人以色養乞假歸侍乃能博綜典籍約取菁英以飾其辭以華其躬且確守師法傳而能習梓行是編公諸人人皆儒者盛事可書也。予樂為參校爰書其簡端歸之。萬歷戊寅。

是書皆雜采諸書而成分為四卷卷各六類一天文
二地理三聖賢四君臣五忠節六孝友七讀書八牧
長九脩身十言行十一節欲十二安遇十三儉約十
四容忍十五報施十六命數十七隱逸十八仙釋十
九辨証二十詩詞二十一飲食二十二服器二十三

花木二十四鳥獸又有馮臯謨馮夢禎兩序

女紅餘志

明楚龍輔纂序曰鄙觀載籍頗多僻秘女紅之暇每一
沉酣推乎底妙庶有別於古者讀音一日屬君讀何遜詩不
解山枝詠新識意鄙聞之笑曰彼奈何忘越人歌耶山
有木兮木有枝心悅君兮君不知政何所謂詠新識也
因於閒日稍有所識以便觀覽要多婦女家事

博物典彙二十卷

明漳浦黃道周參予纂晉江蔣德璟序曰吾儒經世之大業總不過本天地設君臣明十倫五教之誼陳政刑賞罰之柄述禮樂制度之統究治亂興亡之繇雖欲底平致治其道盡此矣乃若綜理條目撫拾事論見之冊籍者自經史外則莫若杜佑通典鄭樵通志畧與馬端臨文獻通考三書三書多識廣聞淵深鴻鉅區分臚列靡所不載是誠網維垓垓通徹三極種種色色何一非吾儒分以內事也柰拘虛曲泥之徒以爲吾儒株守一經童習白紛安事窮研極討取一切身以外物越局而謀也果爾則宣尼闡性命之宗宜專稿寂若土木形骸

足矣。乃其仰觀俯察，刪述脩贊，矻矻窮年，下逮兵食教養之繁，射御弋釣之鄙，羶羊萍實之幽，占候夢卜之瑣罔，不周知而精畫之，何哉？但三書簡帙浩繁，貧士未易卒購，卽購之未易竟讀，所以望洋浩嘆者，與畫地自限者，皆不能有所進耳。太史公曰：「儒家者流，其學博而寡要，博固難矣，博而要者不尤難乎？」此博物典彙一書，不可不作。然非余友黃參予氏，亦終不能作也。參予毓靈流峙，師表人倫，自舞勺時已慨然有大行當世之志，其爲文孤神獨逸，控鎮千古，不能叩其耳與目之所來，似有苑祕神授之者。況此書斟酌三書，廣羅衆籍，幽者屋壁，叢者棟宇，莫不冥搜彙採，鳩僞粹精，芟夷蕪穢，宿疑

解駁，新益全涌，述往事而斷以己意，詳今制而證以舊聞，上自唐虞迄於今日，大經大法，淹貫該洽，問而辨之，端如貫珠，舉而行之，審如中鵠，用於文學而爲通儒，措之政事可建皇極，大抵參予自昔在野而至在朝，在朝而復家食者，越三十餘年，精神作用，悉粹於是，故其言能至顯而微，至精而密，至高而深，至約而盡也。周官有曰：「學古入官，議事以制，政乃不迷。」又曰：「其爾典常作之。」師乃知士君子欲博見聞，宣化理，非得參予博物典彙一書，則何以療饑罷而啓矇瞽也哉？況今日邊事方殷，流寇內訌，兵之一事，尤此書之所注心，雖曰非聖人得已，然欲深籌而熟計之，是不得不言之縷，述之詳也。會

見此書一出。則所以啓祖憲之學。達朝野之政。將與斯世斯民。共成治平之業。其功固匪淺淺矣。三氏之書。誠令人弗讀之也。可崇禎乙亥。

淵鑿類函四百五十卷

康熙四十年十二月二十六日。總裁大學士。今致仕張英。刑部尚書王士禛。吏部左侍郎兼翰林院學士王掞。內閣學士張榕端表進。分纂官徐秉義。李錄。孫岳。頌。胡會恩。吳涵。許汝霖。顧祖榮。王九齡。曹鑑倫。陳論。張廷瓚。史夔。沈朝初。彭會淇。陳元龍。徐元正。張廷樞。楊大鶴。張豫章。汪灝。彭寧求。王之樞。宋大業。陸肯堂。張希良。胡作梅。許嗣隆。方韓。沈辰垣。李字青。劉坤。宋敏求。張明先。查嗣韓。查昇。凌紹雯。湯右曾。彭始搏。戴有祺。吳昂。張瑗。楊中訥。姚弘緒。王奕清。胡任輿。顧悅履。校勘官蔡升元等十五人。校錄官沈涵等六十七人。

聖祖仁皇帝御製序曰朕幾務餘暇博涉藝林每攬一書必盡其全帙沈潛往復既得其始終條理精義之所存而文句英華亦常讀之矣嘗謂古人政事文章雖出於二然文章以言理政事則理之發通而見遠者也豈僅以其區區文句之間而可以自命為學術乎自六朝乃有類書而尤盛於唐此豈非求之文句之間者哉雖然理之所寓於斯萃焉弗可廢也昔者孔子之繫易也曰方以類聚又曰本乎天者親上本乎地者親下則各從其類也於諸卦則曰其稱名也小其取類也大蓋以天下古今事物之理畢具於易而易之為書因理象物因物徵辭以斷天下之疑而成天下之務者各從其類

以明之然則類書之作其亦不違於聖人立言之意歟書之最著者藝文類聚北堂書鈔初學記白帖杜氏通典宋明以來撰者寔廣若博而不繁簡而能覈者抑亦鮮矣獨俞安期唐類函頗稱詳括大抵祖述歐陽詢之類聚稍刪存書鈔初學記白帖通典而附益之安期明人也而曰唐類函者以其皆唐輯也既缺宋以來書而唐以前亦有脫漏者爰命儒臣逖稽旁搜泝洄往籍網羅近代增其所無詳其所略參伍錯綜以摛其異探賾索隱以約其同要之不離乎以類相從而類始備焉書成計四百五十卷夫自有類書迄於今千有餘年而集其大成可不謂斯文之少補乎學者或未能盡讀天下

之書觀於此而得其本凡因以求盡其始終條理精義之所存其於格物致知之功脩辭立誠之事為益匪淺歟矣康熙四十九年十月二十五日

以釋名總論沿革緣起居一典故居二對偶居三摘句居四詩文居五不可以書名為先後

子史精華一百六十卷

世宗憲皇帝御製序曰恭惟

皇考聖祖仁皇帝天

縱聰明秉上聖之姿而垂意典籍勤於稽古

御極

六十餘年萬幾之暇披覽卷帙不輟寒暑巡幸所至必以緗素自隨逮於耄齡精研不倦延閣廣內之藏搜討無遺所謂好古敏求多學而一以貫之也欲以編輯成書嘉惠天下後世嗜學之士特命開書局於武英

殿召集詞臣歷歲脩纂每成數卷即上呈

御覽親

加指示前後所成充溢冊府而子史精華之纂為最後朕纘緒之初尚未告竣敬承先志俾就厥功綜觀

大凡其部三十其目二百七十有九自天文地理帝德

王功禮樂兵刑之大。人倫日用之常。以及九邊之殊域。二民之異教。方術技藝之巧。草木鳥獸之蕃。門分類別。條理具備。而采掇子史。芟蕪擷秀。甚有裨於學者。蓋士之嚮學。通經為先。而博及於子史。固不能若窮經之專。一惟攬其精華。而識之勿忘。俾考古者於茲尋其緒。則無慮於簡牘之繁。績文者於茲取其材。則有助於翰墨之富。用力甚簡。而成功已多。是

聖祖皇帝垂教無

窮之至意也。剞劂既畢。展閱全編。敬為敘引。昭示久遠。用綴於篇端。雍正五年四月初九日。

監脩和碩莊親王允祿。多羅果郡王允禮。武英殿總裁工部左侍郎吳士玉。詹事張廷璐。侍講學士張照。侍講

王蘭生。原進士方苞。纂脩內閣學士吳襄。翰林院提督四譯館太常寺少卿沈宗敬。右中允張縉。左贊善徐本。編脩沈錫輅。俞鴻圖。張夢徵。檢討舒大成。陳萬策。李光。燠。御史衛昌績。唐繼祖。山東鹽運使梅廷對。廣州府知府張鎬。主事管式龍。陳樹萱。內閣中書戴臨。中書科中書程鵬。王祖慎。鄒元斗。待詔王時濟。顧阿瑛。知縣王宸。雋。陳樹芝。董永年。葛敬夫。州同趙仔敦。張家鑑。監生黃。豹。

分類字錦六十四卷

康熙六十一年刊刻吏部左侍郎張廷玉內閣學士蔣

廷錫勵廷儀魏廷珍侍讀學士陳邦彥庶子王圖炳趙

讀趙熊詔贊善汪應銓檢討張照編脩薄海校勘特贈

侍讀學士原任編脩何焯署理總督河道事原任知府

陳鵬年侍讀學士吳士玉侍講錢名世編脩張廷璐承

纂中允張縉編檢沈宗敬吳襄陳治滋梅廷對傅王露

沈錫輅陳萬策張夢徵候補中行評博程鵬沅平知縣

吳陳琰德清教諭王作人監生王宸儁湯權陳樹芝陳

樹萱生員查奕正童生黃豹分纂

聖祖仁皇帝御製序曰司馬相如云合纂組以成文列

錦繡而為質。蓋言詞賦雖雕蟲末技。亦必揆藻敷華。飾琢其章句。然後文質相宣也。朕山莊避暑。敕幾之暇。以翰墨自怡。而卷帙充積。廣博鮮要。爰命何焯陳鵬年等。奮萃經史子集。下至說部諸書。採擇其字之麗雅者。釐別為四十門。六百一十八類。每類又分成對備用。共六十四卷。名曰分類字錦。閱三載。編纂告成。朕惟日星輝耀。雲霞綺駁。天之錦也。山川峙流。草樹蔥鬱。地之錦也。觀文察理。禮定樂興。帝王之錦也。若夫相如所云。乃錦之膚寸者耳。然對偶本于陰陽。音聲協于律呂。古文人駢織之功。又烏可廢哉。是書也。子夏所謂雖小道必有可觀者焉。康熙六十一年八月初一日。

穀玉類編五十卷

皇朝休寧汪兆舒果齋輯。姪由敦謹堂序。曰康熙丁亥。予受業於族叔父。今魏先生之門。見先生手輯類書。穀玉一編。州次部居。已哀然數十帙。後先生客授於藏書家。益肆蒐採。然膏宿火。寒暑弗輟。閱數十年。書成。而先生捐館舍。先生之子樸園將付之梓。寓索予序。類書自唐初學記白孔諸家而後。沿例擬次。無慮數十百種。顧裒輯之難。約有二端。見聞不廣。搜羅不富。裨販叢殘。一鬻之味不足。孕既飽之頤。一溢之米。詎能果甚枵之腹。此陋而不足備用也。誇多鬪靡。詭異錯出。狸脣獲兔。無關日用之需。土飯塵羹。并失飲之正。此駁而不可為訓。

也。先生之書綜古今。括宇宙。七略之所序。四庫之所標。無不繁徵遠引。取多而用宏。及觀其大指。擇言必訓。取材必正。以經史為根柢。以子集為條肄。以人事為經緯。以物象為續繡。則又寓別裁於編纂之中。具有精義。寒儉者得之。固不啻療饑之菽粟也。即淹博者。亦將以是為珠槃玉敦之陳。不與瓦缶並薦。語曰。豐年玉。儉年穀。觀先生所以名書之意。而可識已。呼。古學之荒久矣。慘觚家徒挾其呶唔。佔畢之長。以冀一日之弋獲。視讀書。纘言為無當。而才智者。率泛濫於叢編。胙史。稗官。小說。以矜一得之奇。其於源流正變。雅鄭區分。未有聞也。先生以老諸生。窮年矻矻。未嘗以儲侍既富。輟討索之勤。邛邛

乎不少。假易推先生之意。以學殖。不可不充。指不可不正。而拘墟與橫鶩胥失也。或有謂類書出而學者不復見全書。此則先生不任其咎也。具膏梁者。弗禁其事。政戲炊珠桂者。奚妨其勤樹藝。在學者善會之而已矣。憶昔從先生時。先生年及艾矣。猶自課六經四子書。秦漢八家之文。歲背誦一周。平生著述。未及問世。而是編實足以嘉惠來學。曰樸園之請用推闡先生名書之意。以告世之人。使知為學宗旨在博而能精。亦藉以自勵也。乾隆二十二年。

類林新咏三十六卷

皇朝錢塘姚之駟魯思撰并注康熙四十六年捧是書

恭進行在其奏略曰我皇上生知天縱盛德日新

聖躬典學不廢詞章編輯詩賦韻府等書至數十百種

誠千載勝事也小臣自惟譎劣莫贊高深然以伏處

菰蘆而復不殫心典籍研精撰著是虛生盛代矣爰

謹於三冬文史之餘編纂類林分題咏物各成排律一

首隨其短長事盡而止加以注釋合為三十六卷恭呈

御覽蓋為廩膳生員時所進也書蒙留覽今有梓本

行世學使者南陽彭始搏序其首稱其納萬彙于五字

之中約百家于四聲之首于駢偶工麗之餘復饒婉轉

清新之致較事類賦為尤難云。

讀書紀數略五十四卷

皇朝泰州宮夢仁宗衮著康熙丁亥春

聖祖仁皇

帝南巡駐蹕維揚以是書進呈奉旨令鈔板行

世逾年刻成奏御疏畧云臣年今七十有七自兩河

効力後鍵戶家居輯成此書繕寫敬進蒙皇上俞

旨不責臣淺陋不罪臣冒昧令付剞劂竣業於今歲之

首夏謹裝潢二十部進呈御覽夢仁號定山康熙

庚戌會試第一人選庶吉士改御史多所建白出為河

南督糧道調湖北驛鹽道山東提學副使累遷右副都

御史巡撫福建逾年罷歸効力永定河高加堰所著又

有續南宮舊德錄文苑英華選玉海選等書

凡例略云。臣王海選既竟。見小學紺珠亦宋王尚書應麟隨手偶記之書。故其間頗鮮倫次。繼復得明初張侍講九韶分門殘帙。名以羣書備數。而似多未備。他若秋擎省蒙之強作韻語。原為幼學而設。則又端緒茫然矣。爰是有志。得即書之。至六千餘條。三四倍於兩集。其過於纖巧。近於俚褻。奇幻不經。皆未敢妄錄也。

總目。天部之類四。理氣象緯。歲時歷律。地部之類十。廣輪土田。都邑城關。邊鎮屬域。山川名勝。朝廟宮室。人部之類二十九。統紀考年。瑞異稱號。世系族望。才賢輔佐。事蹟法戒。美刺好尚。辨名倫品。形體資學。經籍藝術。治道選課。爵秩貢賦。食貨軍政。禮制樂制。刑律釋氏。道家。

物部之類十一。車旂珍寶。禮器樂器。文房武備。雜具冠服。飲食鳥獸。草木。

有澤州陳廷敬松江王鴻緒兩序。今不錄。

欽定古今圖書集成一萬卷

聖祖仁皇帝命儒臣編輯

世宗憲皇帝初年告成

總目一歷象彙編乾象典二十一部一百卷歲功典四

十三部一百十六卷歷法典六部一百四十卷庶徵典

五十部一百八十八卷二方輿彙編坤輿典二十一

部一百四十卷職方典二百二十三部一千五百四十

四卷山川典四百一部三百二十卷邊裔典五百四十

二部一百四十卷三明明倫彙編皇極典三十一部三

百卷宮闈典十五部一百四十卷官常典六十五部八

百卷家範典三十一部一百十六卷交誼典三十七部

一百二十卷氏族典二千六百九十四部六百四十卷

人事典九十七部一百十二卷閨媛典十七部三百七
十六卷四博物彙編藝術典四十三部八百二十四
卷神異典七十部三百二十卷禽蟲典三百十七部一
百九十二部卷草木典七百部三百二十卷五理學
彙編經籍典六十六部五百卷學行典九十六部三百
卷文學典四十九部二百六十卷字學典二十四部一
百六十卷六經濟彙編選舉典二十九部一百三十
六卷銓衡典十二部一百二十卷食貨典八十三部三
百六十卷禮儀典七十部三百四十八卷樂律典四十
六部一百三十六卷戎政典三十部三百卷祥刑典二
十六部一百八十卷考工典一百五十四部二百五十

二卷已上六彙編三十二典六千一百九部共一萬
卷其中分彙考總論藝文選句紀事雜錄外編為敘
次又有列傳名目

世宗憲皇帝御製序曰欽惟我皇考聖祖仁皇帝

聰明睿智亶知生之質而又好古敏求孜孜不倦萬幾

之暇置圖書於左右披尋玩味雖盛夏隆寒未嘗暫曠

積數十載之久研綜古今搜討殆遍屢命儒臣宏

開書局若周易折衷發四聖之微言朱子全書會羣儒

之奧義皆稟自睿裁復躬加校定若律歷淵

源推軒皇之神策叶虞代之元聲皆親行指授以

天縱之能而準於儀器凡註經考史選詩論文以及博

聞多識之資。所纂輯雕鐫。充溢於內府。刪述之功。嘉惠無窮。稱極盛矣。而又以為未攬其全。乃命廣羅羣籍。分門別類。統為一書。成冊府之鉅觀。極圖書之大備。而卷帙浩富。任事之臣。弗克祇承。既多訛謬。每有關遺。經歷歲時。久而未就。朕紹登大寶。思繼先志。特命尚書蔣廷錫等。董司其事。督率在館諸臣。重加編校。窮朝夕之力。閱三載之勤。凡釐定三千餘卷。增刪數十萬言。圖繪精審。攷定詳悉。書成進呈。朕覽其大凡。列為六編。析為三十二典。其部六千有餘。其卷一萬。始之以歷象。觀天文也。次之以方輿。察地理也。次之以明倫立人。極也。又次之以博物理。學經濟。則格物致知。誠意正心。

治國平天下之道。咸具於是矣。惟我皇考法天行之剛健。協坤德之含弘。察於人倫。明於庶物。尊六經而禮先儒。釐六官以敷大政。故是書之成。貫三才之道。而靡所不該。通萬方之略。而靡所不究也。我皇考金聲玉振。集五帝三王孔子之大成。是書亦海涵地負。集經史諸子百家之大成。前乎此者。有所未備。後有作者。又何以加焉。敬藏石室。寶垂久遠。用敘其本末。綴於篇首。上以彰皇考好學之聖德。右文之盛治。并紀朕繼志述事。兢兢業業。罔敢不欽。若於丕訓云爾。是書圓明園。上書房前。垂天貺。貯一部。文昭得敬。觀焉。古今之菁華。畢萃於是矣。係活字銅板印本。聞

祇印二十部人間固不易得也

文獻彙編乙百卷

明江寧司馬泰魯瞻著存徵錄云司馬泰文獻彙編一

百卷前三十三卷其家已殘失矣三十四卷西征日錄楊

清江上錄楊子制府雜錄楊一

三十五卷忠義革除遺事教英革朝遺忠錄郁衮忠節

錄李應三十六卷和番錄李實使邊紀李賢滇南慟哭

記王紳忠純紀畧林俊忠節公傳杜柵萬言書居備

遺錄張芹

三十七卷人物金陵人物志陳沂滄洲翁傳戴良劉少

傳傳鄒立齋傳俱崔銑陳靜誠先生傳羅鶴羅一峯事

狀鄒智平齋老人傳童軒三十八卷袁廷玉傳戴良林

靜菴先生傳。蔡清擔骸傳。吳尚書傳。崔銑永新人物錄。
劉定句曲外史小傳。姚綬楊氏家傳。張天師家傳。宋濂
陽明傳。吳舫海神傳。蔡羽震澤龍女傳。戴良鍾旭傳。沈梅
伯洪厓真人傳。左贊。

三十九卷。[抒謀]甘肅經畧考。番禺總考。魏渙大同五堡

考。史道藍駟捷音議。林俊江西捷音議。柳桂捷音議。俱王

瓊治河六柳議。和劉天經畧總考。大同經畧考。魏魏四十

卷。應詔上書奏議。李夢擬上風俗議。顧璘固本迂談。馮

清均徭私論。何瑋灾異陳言議。徐子泉貨議。祀典奏議。

倪岳四十一卷。原漕河議。陸錢後渠政議。崔銑復套議。

李紳婚姻議。朱善江南實錄。戶部諸公書。周忱梅嶺均

利記。張汝欽崇天道疏畧。鄒智過灾修政畧。曹潯四十

二卷。渭厓疏要。霍韜四十三卷。運法議。邵寶同異錄。陸

深南郊奏記。司馬

四十四卷。天文分野躔次志。玄渾考。王廷天文畧。蔡清

御製天元玉曆祥異賦。東溪日談。四十五卷。天文彙。陳元

親纂集樵子五行志。乾運編。

四十六卷。地理天下圖志。桂萼異域志。金陵古今圖考。

陳沂四十七卷。日本國考畧。薛俊輿地紀源。方國雜誌。

勝蹟紀異。仙靈勝境。俱陳元觀海槎餘錄。顧珩四十八卷。安

南水程日記。黃福地理問辨。余祐嘉興府水政圖志。司

泰海道經游理地理錄。蘓伯莖書。趙訪君子嘗詢手鏡

王濟

四十九卷時令田家五行禮元歲差考律尺考俱相多

能鄙事劉基探春曆記授時考桂萼春王正月辨趙訪

五十卷花木種樹書立菴獨叟樹藝志茶譜顧元蔬菜紀源

茶果彙蔡襄茶譜錢椿五十一卷花卉紀源菊品紀名

譜沈懌德善齋菊譜鎮平誠齋牡丹譜百果紀源穀粟

紀源草本紀源野菜譜王盤

五十二卷禽獸五靈紀源禽獸紀源獸記明景虫牙紀

源水族紀源獸畜紀源良馬論牧養志陳元獅猫述廷

相瑞禽紀瑞獸紀單字

五十三卷器用器用志楠支吾說香奩四友陸奎章後傳

類雋明史三十卷

明吳縣鄭若庸仲伯著蘇州府志曰吳縣鄭若庸年十

六為諸生三試皆首連入棘闈不售隱支硎山殫精古

文詞趙康王聞其名三聘乃起禮以上賓鄴人士徵屬

文者無虛日學士程敏政以纁帛迎至都下嚴嵩父子

聞其至請見不往又以錙幣招幡然辭行仍如鄴為王

著書採掇古文奇事累千卷名曰類雋康王薨去趙居

清源年八十餘卒生平所著記志傳序下至樂府稗官

小說蟲魚傳奇等書甚多止刊布其一名蝓蟻列傳詩

山人

舟車志。兵器志。服飾志。陳元上河圖說。李東器用譜。陳元

親

五十四卷。飲食。酒。麪。譜。蔬。品。譜。果。食。譜。食。物。本。草。湯。水。

譜。俱陳元親。五十五卷。飲膳紀談。飲膳志。食鑑本草。寧元

五十六卷。文房墨譜。蕪易香譜。陳元硯譜。高似印章編。

李宗畫譜。韓昂大石山房十友譜。顧元

五十七卷。格古。洞天清錄。趙希物原。羅頎和維愚見紀。

志。李漁五十八卷。寓意編。都穆財貨志。馬氏日鈔。馬愈

古奇器錄。陸深璽辨。劉定寶貨志。錢譜。藏書目。陸深

五十九卷。音樂。音樂譜。音譜。樂器志。俱陳元備。太古遺音。謝

琳雅歌譜。徐楚雅頌詞錄。徐霖文房圖贊。

六十卷戲謔善謔錄山人人世難逢錄山人詼諧漫錄居士笑海南金

六十一卷滑稽滑稽文傳前集後集俱錢之六十二卷滑

稽文傳續集別集陳斗端友傳湯媪傳俱吳五大夫傳

姚綬昌陽傳陳楊守方君談子傳盧格梅伯華傳菊坡紀

謔單字六十三卷滑稽文傳新傳滑稽別傳居士滑稽

文傳外集

六十四卷靈怪剪燈錄上下六十五卷人品靈怪錄禽獸

粉靈怪錄志怪錄祝允明六十六卷花木靈怪錄禽獸

靈怪錄器用靈怪錄幽怪崇談成汝幻異記李漁六十

七卷月老新書西樵野記侯甸夢游仙記林鴻

六十八卷游覽西苑記李賢東湖諸山五記朱右雲南

西行記程本遊陽山記胡廣名山記都穆遊嵩記喬宇

西山記陳沂六十九卷南遊諸記呂柟宜興二洞記楊

清嵩陽記周叙太和山記顧璘鰲山記匡廬記俱陳沂

樵遊日記葛清行窩日記秋遊小記俱張稟

七十卷遊藝如意輪譜徽府投壺新格譜雙陸譜書輯

陸深燕射古禮全書范永鑿七十一卷促織譜徽府奪

元酒令譜遊五岳除紅譜楊維茶具譜珠存打馬譜徐禎

象棋譜朱凱七十二卷拙九集譜徽府群花酒令錄逢王

元謎社錄觴政錄湖南雅社錄龍霓自知風月錄賀登

文房職官譜祝允古玉考圖譜沈津七十三卷蹴鞠論

譜徽府算法指南南車高永通時壺譜詩句色譜東川

七十四卷紀行代紀錄劉定紀行志錢溥朝鮮紀事淮

封日記陸深南行日記樞廷七十五卷西征記盧襄使

事紀畧陳侃南遷日記陸深東紀錄陽東

七十六卷養生攝生要義十編延齡會紀塵視軒冕金

玉論壽親養老書鄒鉉霞外雜俎鐵脚不自秘方人倫

繼嗣珍寶書黃魯曾

七十七卷字史白沙子張詡薛子王從胡子胡居七十

八卷漢唐秘史五王集史義拾遺泊菴史論梁潛甬川

史說張邦方石史論謝鐸西涯史論陽東學史邵寶椒

邱史論新何居後渠史論崔銑

七十九卷詞翰却恐文答早魁文王文忠公危辭思美

人辭宗濂瘞旅文王陽續志林王禕擬卦詞潘純談藝

錄徐禎游藝集方獻東郭生問答言新何喬嗤盜文何景

八十卷七人聯句詩記楊循與何氏論文書李夢燕書

宗濂陽山新錄顧元今雨瑤華岳岱

八十一卷往哲高士傳戴良記善錄杜瓊吳中往哲記

楊循吉金石契祝筆駮壇百戰錄司馬國寶新編顧璘

高逸編殷雲吳郡二科志閻秀曹仙姑記鄭昂八十二

卷善行錄訢慕編陳鳳五同傳泰馬蘓城士夫鄉約

毛程款識錄車金大景仰撮書王達

八十三卷清話詩格益齋嘉話秦府谿山餘話陸樹秋臺

清話葉盛捫蝨新話陳善玉臺新話唐唐溪詩話 詩人

玉屑魏震挺齋詩話曾季升菴詩話楊慎詩林廣記 單宇瀛奎

律髓單宇外築補遺 八十四卷剪燈新話 瞿佑剪燈餘

話 李楨詩史 詩林 單宇學齋佔畢 書鄉小步 陳仁

八十五卷廣聞近峯聞畧 客座新聞 沈同金臺紀聞

陸深男子異聞 婦人異聞禮俱周湖海新聞 江湖紀

聞汝節薛石田紀聞 沈同八十六卷草野紀聞福餘祠廟

異聞 花木異聞 禽獸異聞禮俱周蓉塘紀聞 姜南菽

園紀聞陸文 量

八十七卷間談郊外農談 都公談纂 陸采河館間談

八十八卷蕪談楊循拘墟迂談 陳沂孤樹哀談 半村

野人閒談 姜南委巷叢談成田汝東臯雜談 梅純古冲間

談 李嘿

八十九卷嘉言 綠雪亭雜言 教英并觀瑣言 蒙泉雜

言正岳張司馬格言 東岑重言 九十卷義命格言李仲

蓮谷析言 竹下寤言王文近言 顧璘虛齋至言 蔡清

經濟格言 陽明則言仁王守九十一卷曹氏調言 東

岑巵言 溪上清言 推古庸言 王氏慎言相王廷

九十二卷詩話存餘齋詩話蘇承渚山堂詩話 陳霆間

中今古 陳頎蕉窻清興錄 九十三卷丹鉛餘錄 楊慎

歸田詩話 瞿佑拘墟詩談 陳鳳樓窻隨筆 姜南山窻隨

筆蔣卓九十四卷醉經堂舖糟編 姜南蓉塘詩話玄敬

仲

筆話都穆定軒詩語姚樞九十五卷曹安邱長語麓
堂詩話鶴亭筆筆姜南草木子餘錄夷白齋詩話顧
慶

九十六卷雜識風月堂雜識輟築記別齒間思記

招璞簡記以上俱華夷譯語源石田雜記海涵萬

象錄王雅懸筭瑣探劉昌九十七卷丹鉛錄楊慎玉堂漫

筆陸深雨堂暇筆姚福厲辜錄水東日記葉盛九十

八卷鑿坡雜記宋濂為菟餘論林炫呆齋雜著劉定王

忠文公業錄迂論王廉菊坡僭述單字九十九卷鷓

峰雜著山居雜著葛澗忍書畜德錄陳沂升庵雜

考楊慎一百卷升庵瑣語楊慎庚己編陸繁會問劉東

山疏

存徵錄云司馬御史泰字魯瞻宋文正公裔隸籍江寧縣別號

西虹公幼有文名登嘉靖癸未進士授南道御史按湖

廣嘗疏論給事中陳光太監崔文置於理憲度肅然又

條陳留都軍民利害七事多見施行陞懷慶知府調嘉

興再調濟南皆有惠政勘魯府許奏事十日而決特旨

獎之為郡人所忌去官歸閉門著書築園種樹名曰懷

洛不忘始也婚嫁遺孤子女內外十一人族姻多歸德

所著述甚富敬求其遺帙不覺望洋畧載書目僅十之

二三耳俟稽古者考焉文獻彙編一百卷前三十三卷

其家已殘失矣細見廣說郭八十卷古今彙說六十卷

再續百川學海八十卷。三續百川學海三十卷。史流十
品一百卷。二十四卷以下亦散失無存。又有南都英華
南都野記。風雅會編。護龍河上雜言。皆先生所手輯也。
自著有廕白堂稿。西虹視履錄。知次錄。蔭白堂雜賦。山
居百咏。龍廣山人小令諸集。一時文獻幾備焉。顧鄰初
先生云。司馬侍御藏書不但多。且有秘冊。如東坡論語
解鈔本四卷。其家屢有鬱攸之變。此書亡矣。羅太守鳳
胡太史汝嘉書亦充棟。胡氏牙籤錦軸尤為珍異。近惟
澹園先生購集頗富。敬因是有感聞之。弔古者謂東晉
御府所藏僅三千一十四卷。宋齊梁陳但滿萬。乃士大
夫之家。圖書擗茨。非盛世能之乎。且金陵前輩風規。雖

致政歸。未有不讀書學道者。所云周道如砥。君子所履
也。懷古憫俗。遂已音希。

山堂群書考索二百十二卷

卷數見
焦志

宋金華章如愚俊卿撰有前後續別四集分為二十門

曰六經曰諸子曰百家曰諸經曰諸史曰聖翰曰書目

曰文章曰禮曰禮器曰樂曰律呂曰曆數曰天文曰地

理曰兵曰刑曰財用曰官制曰邊防曰制置以昭案地理

集曰官制曰官曰士曰兵曰民曰財曰賦稅曰財用曰刑為後集此所載疑誤按宋史章如愚

字俊卿婺州金華人自幼穎悟負才尚氣登寧宗慶元

中進士第初授國子博士凡詔誥制勅皆出其手未幾

改知貴州政蹟大著開禧初被召上疏極陳時政因忤

韓侂胄罷秩歸鄉乃結山堂數十間以講道義故遐邇

之士咸尊師之及卒門人謚為山堂先生所著有群書

考索及文集百十卷行於世。

莆田鄭京序畧曰。文籍浩瀚。汗牛充棟。或家藏人秘。月牖雪窓之下。一時欲得全書而徧覽之。亦艱力哉。有能旁搜博採。類萃成帙。如聚藥物於一籠。集材用於一場。任醫匠氏之採擇。則不費搜求而得效奢矣。山堂考索一書。乃宋儒張公俊卿之所編集。板行於世。間被回祿。失傳久矣。文獻故家。或有存者。又秘之以為己寶。乃者吾閩僉憲院公賔。巡歷抵建陽。手出是書。以示邑宰區公玉。曰。是書大闢天文地理之幽蹟。君道臣道之宏遠。經史禮樂之淵懿。以至兵刑制置。財用盈縮。官制邊防。沿革靡不深探本原。具載無遺。茲欲繡梓以廣其傳。書

林雖克勝是任者。區遂劉君洪應命。貳守胡公瑛。推府馬公敬聞而躋之。各捐俸金以資頌直。兩越春秋始克成書。識者見之。必有舉而揚之者。是書囊括宇宙。包羅萬象。真天下之至寶也。

吳師道曰。山堂慶元丙辰進士。仕至國博宮講。有墓在蘭溪之紫巖。考索凡一百卷。有撮其要為卓約二十卷。便於舉子業者。又曰。傳寅字同叔。號杏溪。義烏人。著有羣書百考。章俊卿考索出於此。而加詳。今考索盛行。而百考鮮有讀者矣。

玉海二百四卷

宋浚儀王應麟伯厚著總之以二十二門曰天文曰律
歷曰地理曰帝學曰聖文曰藝文曰詔令曰禮儀曰車
服曰器用曰郊祀曰音樂曰學校曰選舉曰官制曰兵
制曰朝貢曰宮室曰食貨曰兵捷曰祥瑞曰辭學指南
析之爲二百六十一類

閔文竊見慶元路鄉先生厚齋王公諱應麟以進士詞
科仕宋至翰林學士禮部尚書公篤學強記博極群書
立言持行爲當時儒臣之冠平生著作幾三十種皆有
功于後學俱未刊行至于玉海一書尤爲妙絕其門類
之詳密則上至天文律歷下至禮樂器服凡二百四十

餘類其紀歷代。則始于伏羲堯舜。終於宋之末年。其摭集之書籍。則自六經衆史百家子集注。䟽傳記譜牒藝術。隱蹟之書。靡有孑遺。纂次詳備。博而有要。真足爲名世之奇書。但自公歿之後。其家族黨分爭。書遂遺缺。縉紳韋布。遞相抄錄。雖多寡不同。俱非全書。當職游宦。四明。詢訪文獻。故家得公之孫厚孫。延致家塾。俾教二子。因獲盡取公之著述。悉心討論。訪求遺逸。玉海遂見全帙。考訂詮次。粲然大備。適當聖朝文治之盛。儻得板行。傳遠。資禮官之敷陳。惠士子之考索。豈不躋與至順四年都事年承事闕

婺郡文學中山李桓序曰。至元六年。歲在庚辰。夏四月。

朔旦。慶元路儒學新刊玉海成。玉海者。故宋禮部尚書厚齋先生王公之所著也。先生之著是書。網羅天下之見聞。包括古今之故實。將使學者覽之。得以施諸用。蓋自書契以來。典籍日滋。以事物之無涯。而紀載之至繁。畢年歲于披尋。窮心目而研究。不可得而周知。况于得其要領者哉。太史公論儒者流。其學博而寡要。然則博既難矣。博而要者爲尤難。此玉海之書。不可以不作。非先生不能也。先生敏悟絕人。少于書無所不讀。多識廣聞。淹貫該洽。時已莫能出其右。及仕于朝。又盡閱館閣之所藏。宗工鉅儒。咸共折服。自經史傳注。諸子群集。以至于稗官小說。方技讖緯之書。誦之如流。言之如指掌。

既皆涉其波瀾而采其菁英。故其爲書粹密淵深。區分臚列靡所不載。惟無益于用。不足以備討論者。不以登于簡策。豈非所謂博而得其要者與。偉乎述作。非若他書類事者之可儼倫也。夫其篇次之多。不免于淆舛。傳錄之久。或至于脫遺。士以不獲覩其完書爲恨。癸酉歲。浙東帥府都事牟君應復。蓋嘗建議。請命繕輯。讐校而刻之。凡郡縣學與書院之在浙東者。等其歲入之多寡。收其羨餘以爲助。移之部使者而給焉。于是聞者又皆喜。幸是書之不泯。越四年而事未克集。斯文之遇。若將有待然。今宣慰元帥資德公也。乞里不花。以勲德之胄。膺方岳之寄。敦尚文雅。以爲政先。下車之始。載詢載咨。

爰戒有司。俾速其圖。時則總管張侯塔海帖木兒。徵材庀工。承命唯謹。明年夏。教授王君茲來莅厥職。暨學正薛君元德。躬自程督。上下協心。有作斯應。夙夜弗怠。遂底于成。用力于一時。垂利于無窮。後之人稽典禮者。求焉。考制度者。取焉。立政建事者。資焉。監其因革而酌其時宜。可以裨謀議于朝廷。致治效于國家。不特廣問學。給文辭而已。昔之文有以玉海名其集者。詞章之靡麗。蓋不足以當之。夫玉可寶而有用。海之藏無所不具。名之而無愧。其惟是書乎。書凡二百四卷。總之以二十二門。析之爲五百六十一類。於斯備矣。

至正十一年慶元路總管阿殷圖墊堂序畧云。至正九

年。余來守四明。公事之暇。因得遍觀郡學書籍。其所謂玉海者。宋尚書王公厚齋之所著述也。公以碩學者。德爲儒者宗。著述之書。逾三十種。已鈔梓于郡學者。凡十有四。玉海其一也。惜其間訛誤者多。歷十餘年。未有能正之者。余乃命公之孫厚孫重加校讎。得誤漏六萬字。鳩工修補。閱月而成。夫性命道德之學。發明于先儒。表章于盛世者。至精且詳矣。若夫制度典故。記事纂言。備討論而資考索者。亦學者所當務也。公之學。傳于真文忠公。而玉海之書。實本于博學宏辭。蓋公嘗擢是科。故其彙次最爲該洽。其它諸書。扶遺經之絕學。紬正史之要義。綜括于天道地理。辨微于禮樂文章。明小學而廣

異聞。既已登名于朝廷。志列史課。則其書之已刊者。不可以不完。觀者不可以不悉也。然則是書之成。固學者所共願也。因列其目于編首。又識其始末。以告來者。俾敬守勿壞。

明祭酒吳郡趙用賢曰。玉海一書。篇帙浩繁。獨南雍自國初時有刻本。歲久朽蝕者。過本。正德嘉靖中。累有補緝。而校勘未備。僞舛爲多。萬曆乙酉。金華澱陽趙先生始議大加修刻。未幾擢去。所屬梓者。僅四百餘葉。丁亥秋。用賢亦謬得承之。乃通核其文之漫滅者。尚四千有奇。而闕者五十八葉。于是遍索白下。及三吳藏書家。凡半歲所。幾得其全。今所闕特二三而已。遂復以戊子之

年。余來守四明。公事之暇。因得遍觀郡學書籍。其所謂玉海者。宋尚書王公厚齋之所著述也。公以碩學者。德為儒者宗。著述之書。逾三十種。已鈔梓于郡學者。凡十有四。玉海其一也。惜其間訛誤者多。歷十餘年。未有能正之者。余乃命公之孫厚孫重加校讎。得誤漏六萬字。鳩工修補。閱月而成。夫性命道德之學。發明于先儒。表章于盛世者。至精且詳矣。若夫制度典故。記事纂言。備討論而資考索者。亦學者所當務也。公之學。傳于真文忠公。而玉海之書。實本于博學宏辭。蓋公嘗擢是科。故其彙次最為該洽。其它諸書。扶遺經之絕學。紬正史之要義。綜括于天道地理。辨微于禮樂文章。明小學而廣

異聞。既已登名于朝廷志列史課。則其書之已刊者。不可以不完。觀者。一。則其始末以告來者。俾

此書一也
訪世說卷一
漢書卷之九
通鑑地理通考卷
王命一也
漢制政四卷已也

一書篇帙浩繁。獨南雍自緝而校勘未備。偽舛為多。萬曆乙酉。金華澱陽趙先生始議大加修刻。未幾擢去。所屬梓者僅四百餘葉。丁亥秋。用賢亦謬得承乏。乃通核其文之漫滅者。尚四千有奇。而闕者五十八葉。于是遍索白下。及三吳藏書家。凡半歲所。幾得其全。今所闕特二三而已。遂復以戊子之

此則其始末以告來者俾

春仲更爲繕刻。越明年己丑夏。凡得四千四百通。前刻蓋幾五千葉。實居半矣。先是少司成余公參定得四之一。已而祥符至陽。張先生繼來。乃總任較閱之事故。逾年而此書煥然。幾還舊觀。斯已勤矣。若鳩工授梓。則諸生皆與有助。而字櫛句比。不厭三復。則煇章學正陳王道。典籍吳聘簡。効勞先後爲最多。萬曆己丑秋七月。原本誤刻三葉。今校正作闕。第一百二十二卷十一。同一百二十一卷十一號。第一百二十九卷二十七。同本卷十七號。紺珠第九卷二十。同玉海十七卷四十二號。

增補秘笈新書十三卷 別集三卷

宋信州謝枋得君直編次明羊城吳道南曙谷增補新編條目表啟矜式官制源流歷代事實皇朝事實羣書精語前賢詩詞四六警語

萬曆時吳道南叙曰秘笈新書宋疊山謝公集也。公因國運式微烽燧頻警。未遑剞劂。余祖草廬公錄有一部。以為家寶。其駢四儷六。余愛之。勿置。夫秦漢以後始有對偶。始創答問。長卿上林賦曰。脩容乎禮園。翱翔乎書圃。此言對之類也。宋玉神女賦云。毛嫱鄒袂。不足程式。西施掩面。比之無色。此事對之類也。仲宣登樓賦云。鍾儀幽而楚奏。莊舄顯而越吟。此反對之類也。孟陽七哀

賦云。漢祖想粉榆。光武思白水。此正對之類也。東方朔
名為客難。託古慰志。疎而有辨。揚雄解嘲。雜以諧謔。迴
環自釋。頗亦為工。班固賓戲。含懿采之華。崔駰達旨。吐
典言之裁。張衡應問。密而兼雅。崔寔客訊。整而微質。蔡
邕釋誨。體奧而文炳。景純客傲。情見而采蔚。雖迭相祖
述。然屬篇之高者也。唐設博學宏辭之科。宋開弘文集
賢之館。始工四六。度越前代。然兩事相配。而優劣不均。
是驥在左。駢駕為右。服也。事成孤立。莫與相偶。是夔之
一足。蹠蹕而行也。茲編自三公九列。百司庶府。如事契
慶賀。頌德薦舉。諸類靡不悉具。探逸典于酉陽。訪遺編
于汲郡。綜述性靈。敷寫器象。鏤心鳥跡之中。織辭魚網。

之上。傾群言之瀝液。漱六藝之芳潤。收百氏之闕文。採
千載之遺韻。謝朝華之已披。啓夕秀于未振。觀古今之
須臾。撫四海于一瞬。照照乎若日月之明也。離離乎如
星辰之繫也。陸士衡曰。誇目者尚奢。愜心者貴當。韓退
之曰。紀事者必得其要。纂言者必鈎其玄。劉勰曰。臨篇
綴慮。必有二患。然則博聞為饋。貧之糧。貫一為拯。亂之
藥。博而能一。茲編庶幾矣。夫書而曰新。文明以說。有草
之象。馬中以為實。有鼎之象。馬漢自陸賈。荀爽。鼂錯。劉
向。諸書。而皆曰新。唐自貞觀。貞元。御府諸書。而皆曰新。
乃四六獨此為最。真藝苑之奇珍也。張燕公得此。而記
憶之。可無紺碧珠之握也。虞世南得此。而潤色之。可無

兔園策之誚也。李商隱得此而考索之，可無獺祭魚之譏也。昔人言文章如日月中天，而萬古常新，是書在天壤，其不刊之典也夫。

韻府羣玉二十卷

元陰時夫勁弦中夫復春同輯。按海虞吳文恪公訥戒學者曰：記得韻府羣玉秀才，猶如趁夜航船，聽人說話，此言不足記也。明太祖嘗喜是書，解大紳大庖，西上封事云：韻府出元之陰氏，鄙猥細儒，學識孤陋，蠅集一特兔園寒士，抄緝穢蕪，畧無可采。或云：太祖聽解言，遂擲其書不復顧。宋景濂韻府羣玉後題云：右韻府羣玉一書，元延祐間新吳二陰兄弟之所集也。二陰一名時夫，字勁弦，一名中夫，字復春，博學而多聞，乃因宋儒王百祿所增書林事類韻會錢諷史韻等書會粹而附益之，誠有便于檢閱，版行于世，蓋已久矣。入我聖朝，近臣奉

勅編洪武正韻舊韻音聲有失者改之分合不當者更之定為七十六韻今重刻是書一依新定次第而字下所係諸事並從陰氏之舊因書其故以告來學者洪武八年夏五月既望翰林侍講學士金華宋濂記按此應是奉旨題者然中間不甚稱述其微意自可想見

○太平御覽一千卷

國朝會要曰太平興國二年三月詔翰林學士李昉扈蒙知制誥李穆太子詹事湯悅太子率更令徐鉉太子中允張洎左補闕李克勤右拾遺宋白太子中舍陳鄂光祿寺丞徐用賓太僕寺丞吳淑國子監丞舒雅少府監丞李文仲阮思道等同以羣書類集之分門編為千卷先是帝閱前代類書門目紛雜失其倫次遂詔修此書以前代修文御覽藝文類聚文思博要及諸叅詳條次分編門目八年十二月書成詔曰史館新纂太平總類包羅萬象總括群書紀歷代之興亡自我朝之綸纂用垂永世可改名為太平御覽每聽政之暇日覽三卷

有故或闕即追補之。雖隆冬短景必及其數。大臣請少息。帝曰。朕開卷有益。不以為勞也。凡諸故事。可資風教者。悉記之。及延見近臣。必援引談論。以勸戒焉。

宋蒲叔獻序曰。祖宗聖學其書之大者有二。曰太平御覽。曰資治通鑑。通鑑載君臣治道之安危。明天人庶證之休咎。威福盛衰之本。規模利害之端。無一不備。而其書公傳於天下久矣。太平御覽。備天地萬物之理。政教法度之原。理亂興廢之由。道德性命性與。而獨以載籍繁夥。無復善本。惟建寧所刻。多磨滅舛誤。不可考。叔獻每為三歎焉。洪惟太宗皇帝。為百聖立絕學。為萬世開太平。為古今集斯文之大成。為天下括事理之至要。四

方既平。修文止戈。收天下圖書典籍。聚之昭文集賢等四庫。太平興國二年三月戊寅。詔李昉扈蒙等十有四人。編集是書。以便一夜之覽。越八年十有二月庚辰。書成。分為十卷。以太平御覽目之。所以昭我皇度。光闡大猷者也。聖學宏博。皆萃此書。且廣其傳。以幸惠天下。况吾蜀文籍。巨細畢備。而獨闕此書。叔獻叨遇聖恩。將漕西蜀。因重加核正。勒工鏤板。以與斯世君子共之。以推見太宗聖學之所從。明我宋歷聖相承之家法。補吾蜀文籍之闕。而公萬世之傳云。慶元五年七月。日朝請大夫成都府路轉運判官兼提學事蒲叔獻謹書。李廷允跋曰。古書逸者多矣。遲任之言。南陔之義。弗睹。

其全託詩書以傳者止此耳。非幸歟。太平御覽一書皆纂輯百氏要言。凡可帙名者一千六百有九十。而一篇一章間見特出者弗與。皆承平縑素之盛。多人間未見之書。盼自寶儲。出繇中秘。書成始得流布人間。爰自南渡而來。延閣竹帛。已費網羅蒐采矣。是故君子以為捨是則承平之大典。百世之古書。亦無以窺梗概而識彷彿。部使者錦屏蒲公。被命將輸。兼提蜀學。簡冊之外。澹無他營。北臺中尋常之餽。弗可卻者。姑外積焉。一日大斥之。募工鑿木。以廣斯文之傳。廷允獲與校讎。凡金根亥豕。皆釐正之。字三萬八千有奇。其義有弗可猝通而無所援据。以為質者。則亦傳疑。弗可臆也。書一千卷。蓋

月瑄六易而竣事。蜀大夫士訛曰。蓄眼未有猗歟盛哉。迪功郎前閬中縣尉雙流李廷允謹跋。明周堂重刊序曰。太平御覽一書。為先朝鉅集彙典。匯藪也。世祖勉思公為天官大夫時。得故本函諸篋。冀欲續我皇明御覽。以效先哲李公之日進三卷。啓沃聖心。無何外補。逡巡未就。伯兄鄉進士白江先生。病而弗傳。儲籍散逸。我先君文川公。深悼之。時初發解。攻鉛槧。未暇討論。中歲挾去時業。博極群書。迺究心是集。從閩賈饒世仁等。購得其半。半在錫邑郡伯顧肖巖太學秦虹川家。二公博雅君子也。請於先君。欲合而梓之。先君曰。余志也。遂躬校閱。未幾而先君作矣。不肖堂懼先志之

未酬馬諸名碩。攷訂釐緝。遂成完書。且辱相國養翁嚴公昇史館繕本訂正之。併許序以弁諸首。第簡帙浩瀚。文辭訛謬。雖經練石化鉛之功。難免魯魚亥豕之弊。然俾海內獲窺學海。備覽詞林。是舉不無小補云。今所得活板。僅百餘部。與顧秦二氏分有之。倘好事者藉稿於茲。更加精校。鈔為不刊之典。是所願也。時萬曆甲戌小春吉旦。蘇熟後學周堂謹識。

文林綺繡五十九卷

明史作七十卷而腴詞華句錦字又在其外

明吳興凌迪知稗哲輯左國腴詞八卷楚騷綺語六卷太史華句八卷兩漢雋言十六卷文選錦字二十一卷左國腴詞叙畧曰左國之文嗣續六經馳駟屈宋昔人乃謂左氏富而豔其失也夸豈其然哉宣尼父論鄭國之為命乃以潤色終之似無嫌于富豔為也至于以言係易又自名曰文惟文斯美美斯愛傳而行于是乎遠富豔也烏乎詫余讀左國嗜其詞之腴也乃摘而錄之彙編存塾

楚騷綺語叙曰文章自六經下楚騷為最第玄言奇字讀者艱之昔人謂王荆公文章蓋世而妄譏歐老經曰

朝飲木蘭之墜露。夕餐秋菊之落英。原蓋假此以見志。謂木蘭仰生。本無墜露。秋菊就枝而墮。豈有落英哉。今皆反常。物理之變也。而吾之憔悴放浪楚澤間者。奚疑荆公祖此。有殘菊飄零之句。歐陽文忠公以詩譏之。曰。秋英不比春落花。為報詩人仔細看。乃謂荆公逢會。搆機千古一快。而顧有落英反理之諭也。荆公聞之。以為歐老不學。豈其然哉。余少讀楚騷。苦其聾牙。先大夫溱泉君授以大父練溪翁所藏批本。展卷間。羣疑稍釋。而尤拳拳于綺麗之語。間嘗探而輯之。適雲間張君玄超持所摘騷語印証。余重訂之。梓布海內。然余竊有懼焉。學如荆公。尚為歐老譏。而且未悟。則騷之奇而玄

者何如。苟徒以詞而不本其悲惋悽愴之。豈特如落英之誤用已哉。予故為讀騷者懼之。

太史華句叙曰。太史公史記。囊括千古。淹貫百家。煥焉爛焉。若雲漢之章于天。余讀其全編矣。尤嗜其句之華者。摘而彙之。名曰太史華句。昌黎孟東野序。僅得南華經一鳴字。而疊疊千餘言。乃知善文者不在闕靡而誇多也。余之輯是書。乃為陶冶舍。而點鐵成金。良工自得之而已矣。

兩漢雋言叙 別見

文選錦字叙曰。作文如製錦。昭明太子裒輯文選。摘葩萃腴。非若宮吳之織錦乎。錦織矣。而成巨幅。則為衣。為

裳為黼黻。碎之而寸而分。善女紅者。又以之為枝為葉。為朵。故曰剪綵為花。文選一書。長篇大章。巨幅錦也。片言隻字。寸焉分焉。錦也。工人織錦。殘絲賸縷。且不敢捨。士之學文者。其可以片言隻句而不珍乎。清江劉公有文選類林十卷。眉山蘇公有隻字類要六卷。識者以劉病于煩。蘓病于簡。余以暇日。合二書而增損之。以為綉句時一助。古語有云。誰人綉出鴛鴦譜。莫把金針度與人。若謂此集為綉譜金針。則過矣。

經濟類編一百卷

明臨朐馮琦用韞集馮夢禎序曰。經濟類編百卷。故大宗伯臨朐馮公琦所手緝也。公鍾海岱之靈。憑詩禮之澤。弱冠登甲科。選入詞館。資穎魁梧。文章爾雅。人以公輔期之。時詞館所儲。俱南北名流。余幸濫竽。每相聚則議論嘻笑。筆舌縱橫。公獨埋鋒韜穎。撓之不亂。晝常闔扉靜。哦人莫測其淺深。而材譽日起。無何。予以狗馬疾。放歸。不預散館。又三年。出補史局。齒於十人者。與公周旋。日親。余齒視公十年以長。館中稱大小馮。而公之才名。蘊藉深沉。博大。余又何敢望其萬一。共事一年。所余遭艱。歸尋及吏議。家食有年。公與儕偶。復不惜齒牙強。

起之徘徊回京。點金裨於璧水。公亦漸柄用。正位秩宗。予復歸臥。手書慰存者再。余不材宜廢退。而望公大拜。甚亟。非私公也。以公嫺經濟。能紓國家之急。而公病渴。日甚。屢疏乞歸。不得。遂薨於位。子僅數歲。年止四十六。公沈敏端亮。遇事鎮靜。策成敗多驗。有經濟實用。卓然台鼎之望。文章特其餘事。然當衡文鄉會。出公門者多。名世表策。諸作出公手。必籍甚一時。與代言之文。編摩之史。俱稱大手筆。自少宰長秩宗。幾至宣麻而寢。不得展其大用。士論惜之。公歿無幾。是編出於公弟民部郎瑗。蓋雜採秦漢以下鴻儒著作。名臣奏對。旁及諸子百家。吐議眇論。有關經濟者。共成之。自帝王至禠言。爲類

二十有二。目纏之。凡三百餘條。幾三百萬言。民部所云割截群書。手自演綴者。因憶在館時。闔扉靜哦。是編實托始矣。公真有心人也。第公用世既早。而蚤世。即是編亦未竟之緒。藏之帳中者。夫公之大經濟。見於用者。不能百一。而其用心之概。畧見於是。編公不可作矣。覩是編者。若身履石渠金馬之間。與公上下其議論。則公如在也。可無傳哉。

圖書編

明史一百二十七卷

明南昌章潢本清著自序曰古今類編如杜氏通典馬氏文獻通攷邱氏大學衍義補皆有裨國家實用可備考索。圖書編得無沿習于茲乎。予考索不如教公之該洽。經畫不如教公之精詳。何敢望芳軌而踵後塵。果僅止于沿襲。則三書備矣。亦奚取于圖書之編。蓋斯道不明。聖學湮塞。正以驚博者俗。徑約者虛。非惟不知祖述。聖人之經典。抑不知追原天地之文章也。六經四書。雖以闡造化。淑人心。猶曰聖人之文。河出圖。洛出書。聖人則之一。皆則夫天地自然之文耳。然則謂河圖洛書為天地之文章。非歟。後儒學聚問辨。未之潛神。間有留意

探索者。又穿鑿附會。莫知返諸身心。以求合德于天地。此圖書所以益晦已。是故太極圖。兩儀四象。八卦五行。皆于此乎寓。而河圖五行象數。皆順而相生。洛書五行象數。皆逆而相克。果真悟太極。河洛渾淪。生克自然之妙。則圖書即天地之易象。卦爻即天地之圖書。閤闢盈虛變化不窮。凡上而天象。下而輿地。中而人物。孰非天地之文章。孰非太極之散見。亦孰非吾人參兩天地之問學耶。且潛神天地自然之文。而真信吾人身心與之。膈合則盈滿。兩間有壬。有林。非粗也。冲漠網緼。無聲無臭。非精也。三才一致。萬古一息。天之未喪斯文。豈欺我哉。雖然。今之號稱豪傑者。豈特于天地之文章。未嘗留

意。即圖書名義。且莫之辨。故雖好藏載籍。汗牛充棟。何啻萬卷。究其所謂圖。不過畫工之末技。所謂書。不過文字之煩蕪。至于天地之文。莫知所寶。噫。務華絕根。豪傑且爾。况庸流乎。予故備采其切于身心。關於國家者。以類編之。題曰圖書編。就正有道之君子云。

類鎔二十卷

明華亭何三畏士抑著松江府志曰少穎拔為名諸生。徐文貞階勸其北游遂魁壬午榜。屢躋公車就選得紹興府推官。會有邢節婦事拒貴人所請置訟者于律中。蜚語擬改調竟飄然歸。遭太夫人喪誓墓不復出。乃構芝園日與賓客為文酒之會賦性亢爽有古豪士風。凡臺察長吏式廬請益者必開陳利病無所隱諱。晚歲尤專精構撰卒年七十有五。

明史集部有何三畏漱六堂集齋四十八卷。松志唯載芝園集無卷數。又有鳳皇山稿又雲間志畧二十四卷又志餘。

山堂肆考二百四十卷

明古揚彭大翼雲舉纂著張幼學儀伯編輯分宮商角
徵羽五集宮集天文六卷時令八卷地理十七卷君道
六卷帝屬四卷臣職七卷商集臣職三十七卷仕進三
卷科第三卷學校一卷政事四卷親屬六卷角集親屬
四卷人品十二卷形貌二卷性行_六卷文學十二卷字
學一卷諡法二卷人事六卷誕育二卷民業一卷徵集
釋教三卷道教一卷神祇一卷仙教一卷鬼怪一卷典
禮七卷音樂五卷技藝六卷宮室五卷器用九卷珍寶
三卷幣帛一卷衣服_三卷飲食二卷羽集飲食二卷百
穀一卷蔬菜一卷花品五卷草卉二卷果品五卷樹木

二卷羽蟲六卷毛蟲六卷鱗蟲二卷甲蟲一卷昆蟲三卷補遺十五卷海陵凌儒序曰徐堅述初學記弗詳於唐祝穆纂事文類聚多溺於宋白氏六帖記代無次而海錄野乘蒐輯未徧均不足稱全書邇者海門彭大夫好古士也幼負穎質博覽自喜幽討冥搜不遺餘力上窺結繩下窮掌故微言竒事輒手書赫蹠而貯之歷三十餘禩北走燕冀南越蒼梧食以為飴怠以為枕未嘗一日廢卷即浩然解組杜門海上凡耳聞目見口誦心惟無不類分而臚列之集而成編摠之二百四十卷名曰山堂肆考自十三經至二十一史三墳二酉四部九流以及百家悉囊括必解舊籍之陋是可一洗矣其壻

張幼學儀伯曰是書成于萬曆乙未冬一鶴彭太岳以著述聞蓋二十年於茲矣厥後浸淫散逸越在己未學乃尋繹舊聞踵事增定遂成完帙一時博物君子爭傳寫焉亦是書中興之會也黃岡廖自伸伯常曰雲舉彭先生少習舉子業為諸生最著顧冠羣諸生者廿有餘年竟不獲一登賢書用是意有所鬱結而不得通其道也故散帚一切博士家言肆力雅道披汲冢之竒文搜石室之秘典繹抽墳史漁獵稗官開卷有得輒手裂赫蹠錄之猶之摘翠於鷓羽取白於狐腋也擗撫十年尚未脫藁後貯之奚囊官遊西粵又廿年許而聞見益博於是考訂舊輯附益新聞乃得成帙而顧毛已種種矣昔南唐

馮贄博物嗜古。願數竒不得第。已乃謝去故業。築書室。悉取先世所藏書。撮其膏髓。彙為集。貽厥來世。先生窮愁著書。提要鉤元。至老不倦。倘亦馮贄之雅意乎。帙既成。題曰山堂肆考。余讀之。嘆曰。博矣哉。隳括百家。磅礴萬品。上自象緯。下迄蟲魚。紛紛總總。網提臚列。蒐故實於往牒。漱芳潤於群書。是誠典籍之武庫。學士之書厨矣。自序畧曰。翼自弱冠以來。一經學抱。六此秋場。年踰強志。猶然浮湛諸生中。竟不博一第。以為兩尊人歡用。是屏去本業。游心藝林。招撫群言。手自輯錄。殆十年許。而藁尚未脫。帙且未成也。今上改元。翼薄遊西粵。嘗挈以自隨。服官之暇。間出以觀。司理立宇杜公。公謬以

為可教。趣壽諸梓。居無何。公以久次內召。而翼以轉官。遂歸。未遑也。從此林壑務閒。輒門掃軌。復取舊所輯錄。芟繁剔冗。益以新聞。矻矻焉。朝窓暮燈。又荏苒十八年。而後錄始成。帙蓋不知磁光之既逼。而雪刺之盈顛矣。維時杜公被上簡命。以地官尚書尚書郎領淮倉事。乃折簡走使。復申前約。而翼益不能以災木辭矣。遂命第兒再為繙閱。注釋其字義之竒且難者。釐正其字畫之舛。且訛者。門分類別。合之得百四十卷。付諸剞劂。家而裒金佐費。則屬英志。二兒暨熊孫等云。願自惟家居蓬海。殊乏二酉四部之藏。老而才盡。祇餘叩缶挈瓶之識。收采未全。舍取無當。庶幾宇內博雅君子。為我藏拙。得

目為韻府羣玉秀才則厚幸矣。萬曆乙未冬十有一月長至日雲南霑益州知州維揚林居彭大翼書於猶賢軒中。

通州志云彭大翼字一鶴。才華英上。氣質冲和。識者覘其為有用之器。以歲荐通判梧州。政聲翔洽。性好讀書。壯年解組。日事繙閱。積四十年。著成類書曰山堂肆考。取裁淹博。裨益後人。前後舉鄉飲者二十有六。壽至九十一歲。

焦氏類林八卷

明金陵焦竑弱侯輯。其目凡五十有九。曰編纂。曰君臣。曰父子。曰兄弟。曰夫婦。曰師友。曰方正。曰長厚。曰清介。曰雅量。曰慎密。曰儉約。曰識鑒。曰言語。曰政事。曰文學。曰幹局。曰賞譽。曰品藻。曰夙惠。曰警悟。曰豪爽。曰任達。曰寵禮。曰企羨。曰仕宦。曰棲逸。曰遊覽。曰傷逝。曰術解。曰書法。曰巧藝。曰兵策。曰容止。曰簡傲。曰汰侈。曰矜率。曰詆毀。曰排調。曰假譎。曰紕漏。曰惑溺。曰象緯。曰形勝。曰節序。曰宮室。曰冠服。曰食品。曰酒茗。曰器具。曰文具。曰典籍。曰聲樂。曰攝養。曰熏燎。曰草木。曰鳥獸。曰仙宗。曰釋部。其自敘曰。余少嗜書。苦家貧不能多致。時從人。

借本諷之。顧性顛愚。隨諷隨忘。有未盡忘者。往來胸臆。又不能舉其全。為恨。表聖之詩不云乎。亡書久似憶良朋。真余意中事也。庚辰讀書有感。葛稚川語。遇會心處。輒以片紙記之。甫二歲。計偕北上。因罷去。殘藁委於篋。筭塵埃漫滅。不復省視久矣。李君士龍見之。謂其可以資文士之引用。備遺亡之萬一也。乃手自整理。取世說篇目括之。其不盡者。括以他目。譬之溝中之斷文。以青黃則士龍之為也。嗟乎。古之學者。提要鉤玄。率所不廢。顧余之冥昧。媿非其人。第割裂成書。破碎大道。為博雅之訾而已。書凡若干卷。其大意具編纂一篇。故綴之卷首。

李登士龍曰。焦弱侯氏於書無所不讀。而鉤玄提要。動侔古人。每披書當賞會。與夫自有所見。欲以闡幽正辭者。輒細書而貯之。紛紛總總。未有秩敘。最後除自言者。別為筆乘。其第輯錄備覽觀者。特付愚銓次。乃取世說標目。稍稍裒益其間。王孟起氏博雅嗜古。爰壽諸梓。以廣其傳。復徵引其端。世說一書。超超乎著。吾士林雅尚久矣。是編蒐百代之菁華。掇羣書之芳潤。乃詳於倫紀。而畧於珎此璽。該及品彙。而結局於仙釋。其於名理心宗。往往而在。指示歷然。此於世說。又不知為孰多也。姚汝循曰。弱侯是書。自義軒以及勝國。凡言之可以企踵。世說新語者。皆筆出之。積久而多。取新語篇目。稍為

增損更正。類以入焉。名曰類林。視劉義慶所纂。雖多簡少。似不逮。然絕無叛道不經之談。所稱引固多祕說。然皆參伍有徵。非臆說。非耳標。尤為可遵可信也。大都劉氏主在輔談。弱侯欲以為訓。意自各有攸存耳。

五車韻瑞一百六十卷

明吳興凌稚隆以棟編輯晉安謝肇淛序曰。休文以四聲限詩。而詩病後。乃有雙聲通韻之禁。而詩逾病。然完璞不破。孰為珪璋。至于聚毛成裘。則開士患貧。擊鉢節聲。則枯腸常詘。唐氏雖人競為詩。往往抽精騎于什伍。見珠林于瓦礫。間不持寸鐵。仰攻長城。則衆姍笑之。同于泰山片石。甚者學步獺祭。效顰衲結。猶橫得名。始知水月風影。未為至論。逮陰氏纂羣玉。有其具而無其理。有其聲而無體裁。猥擬宋人汗漫之談。而裨編野史。槩不得錄。其于藝途。蓋亦以耳食矣。此凌以棟之韻瑞。不得不作也。然余又謂太始希音。未有羽徵。音既具矣。則

觸形諧聲。即是理窾。剗剗刁調。搃屬天籟。扣角擗梧。拊盆擊筑之語。一時了不經意。乃音响節奏。至今千古。墮涕而丹雘之輩。不啻望而拜者。此何理也。故余謂韻府。即心韻脚皆幻芥子。足納須彌。弱草可當金身。見解得此。便是藝林無上法門。是集也。蓋鴛鴦可刺。金鍼難度矣。不然者。將逐水尋月。認迹為履。且為緒使。且為物緩。即幸而得之。然此心柳子大已不免挂一漏萬之誚矣。况所得者皆得人所不得。非自得其得也。昔惠施多方。其書五車。而吾家車騎。政謂其妙處不傳。又何疑以揀以揀得余言。必有莫逆于心者。則書而歸之。

夏璋借山隨筆云。五車韻瑞。大抵仍韻府羣玉之舊。而

附益之。雖富倍本書。然強半紕繆。如列子竊鈇之鈇。晉張湛注云。鈇。鉞也。韻瑞既依群玉入鈇韻。乃又訛鈇為鈇。增入鈇韻。又如作水柱雪車詩。為劉義。既依羣玉入義韻。乃又訛義為義。後訛義為義。增入車韻。且云見韓詩外傳。尤堪絕倒。又如八蜡。頗非僻典。既依羣玉入蜡韻。乃又訛蜡為腊。增入腊韻。至于出處之訛。如五代史王彥章。詆晉王為門雞。小見。而云南史音讀之訛。如夫差之差。讀釵。而隸六麻。則誤為差。誤之差也。世次之訛。如南齊謝玄暉。而云晉人。此類又多。未易枚舉。晚學齷生。識字有限。每得一部。輒秘之帳中。奉為律令。獻笑不

小

萬曆時御史奏疏中有誤缺為缺遂改竊缺為竊鐵者于東阿託之筆塵以為笑

客憲識餘詩人玉屑二十二卷

明史但載客憲餘錄二十二卷

明西蜀王光裕古愚集三吳孫履恒關中羅秀士同注
分爲四十二部曰天文曰時令曰節序曰地理曰城市
曰郊園曰橋道曰宮室曰祠廟曰寺觀曰君道曰臣道
曰仕進曰人倫曰師友曰釋老曰人品曰內行曰文學
曰仕宦曰志氣曰人事曰雜藝曰遊眺曰慶弔曰祖餞
曰謝惠曰珍寶曰服飾曰飲食曰器用曰音樂曰書畫
曰百草曰百花曰百穀曰蔬菜曰樹木曰竹曰飛禽曰
走獸曰昆蟲

西蜀胡繼升曰夔州知州吾鄉王古愚父也雅有碩抱
才名筮仕花縣流召杜聲歷登薦剡乃遷今官余見其

門如水而萬口則成碑矣。入其境與驪然道故爰出所
其所集詩人玉屑示余曰。某性拙不能詩。而復癖好詩。
昔待選長安。無以娛永日。乃索諸書標題分類。作字成
耦。謬額之曰客窻餘錄。約四閱月成帙。今敢以請。予閱
之曰。君之長於政事有由也。是集足供吟咏家詩料。但
無注釋。初學者覽之。尚未便耳。因攜之入浙。以示寶婺
孫孝廉。署義烏諭者。先是括蒼羅明經注有次第。茲付
孫博士較訂。更注之。乃授之剡。剡氏有志於詩者。一寓
目焉。庶幾開卷有益也。

